

Osiguranje lica od posljedica nesrećnog slučaja

Dokument sa ključnim informacijama

KI NEZ_KOL 01/24



Društvo: Sava osiguranje AD

E-mail: info@sava.co.me; Website: www.sava.co.me; Call centar: +382 (0) 20 40 30 20; PIB: 02303388,

Društvo za osiguranje je regulisani subjekt nad kojim nadzor vrši Agencija za nadzor osiguranja Crne Gore.

Proizvod: Kolektivno osiguranje zaposlenih od posljedica nezgode

Ovaj dokument sadrži ključne informacije o ovom proizvodu osiguranja, kao pomoć u razumijevanju osnovnih karakteristika i u cilju lakšeg poređenja sa drugim proizvodima osiguranja. Ovaj dokument nije promotivni materijal, potpune informacije o ovom proizvodu možete naći u drugim dokumentima (ponudi ili polisi osiguranja, Uslovima osiguranja ili posebnim pripadajućim Klauzulama).

Vrsta osiguranja

Osiguranje lica od posljedica nezgode – kolektivno osiguranje zaposlenih



Pokriće osiguranja

Kolektivno osiguranje zaposlenih lica od posljedica nezgode nudi pokriće licima starosti od 14 do 75 godina, za rizike:

- ✓ smrt uslijed nesrećnog slučaja (nezgode) i/ili
- ✓ trajni gubitak opšte radne sposobnosti (invaliditet).

Ukoliko se **posebno ugovori** i plati dopunska premija osiguranja, osiguranjem se mogu pokriti i rizici:

- smrt uslijed bolesti,
- privremena nesposobnost za rad (dnevna naknada),
- troškovi liječenja,
- bolnički dani,
- prelom kostiju uslijed nezgode,
- hirurška intervencija uslijed nezgode.

Osigurana suma, iskazana na polisi osiguranja, predstavlja gornju granicu obaveze osiguravača.



Gdje sam pokriven/a?

- ✓ Osiguravajuće pokriće važi na teritoriji cijelog svijeta.



Šta nije pokriveno osiguranjem?

- ✗ Lica potpuno lišena radne sposobnosti;
- ✗ Nezgoda nastala uslijed rata, neprijateljskih akcija, pobuna, dejstva terorizma, aktivnog učešća u oružanim akcijama;
- ✗ Nesrećni slučaj prouzrokovani zemljotresom;
- ✗ Nezgoda nastala pri upravljanju vazdušnim letjelicama, plovnim objektima, motornim i drugim vozilima bez propisane službene isprave;
- ✗ Nezgoda prouzrokovana zbog smetnje svijesti (vrtoglavica, nesvjetistica), epileptičkog napada, udara, infarkta, bolesnog stanja osiguranika ili ukoliko je nastala pod uticajem stanja bolesti ili psihičkih stanja nastalih iznenada ili u toku poznatog oboljenja;
- ✗ Pokušaj ili izvršenje samoubistva osiguranika iz bilo kog razloga;
- ✗ Namjerno prouzrokovanje nesrećnog događaja od strane ugovarača osiguranja, osiguranika ili korisnika.
- ✗ Nesrećni slučajevi nastali pri pripremanju, pokušaju ili izvršenju krivičnog djela, i pri bježanju nakon takve radnje. Nezgode koje su nastale uslijed dejstva alkohola, narkotika, odnosno drugih psihoaktivnih supstanci;
- ✗ Sva ostala isključenja, definisana pratećim uslovima osiguranja (PU-NEZ-ZAP-09/19 i OU-NEZ-09/19) ili odredbama i klauzulama polise.



Ograničenja pokrića

- ! Osiguravajuće pokriće je ograničeno ugovorenim osiguranim sumama i procentima invaliditeta, iskazanim u Tabeli invaliditeta.
- ! Osiguravač isplaćuje 33% od iznosa koji bi inače trebao platiti (osim ukoliko je posebno ugovoren i plaćena dodatna premija), ukoliko nezgoda nastane:
 - pri upravljanju i vožnji avionima i vazdušnim letjelicama svih vrsta; prilikom sportskih skokova padobranom;
 - prilikom trka motornim vozilima (uključujući i pripreme i trening) i prilikom obavljanja posebno opasnih poslova.

- !** Osiguravač isplaćuje 66% od iznosa koji bi inače trebao platiti, ukoliko nezgoda nastane pri treningu i učešću na javnim sportskim takmičenjima u kojima osiguranik učestvuje kao registrovan član sportske organizacije, ako nije posebno ugovoren i plaćena dodatna premija.
- !** Osiguravač isplaćuje 80% od iznosa koji bi inače trebao platiti, ukoliko osigurani slučaj nastane u saobraćajnoj nezgodi u kojoj je osiguranik učestvovao kao sputnik u vozilu u kojem je vozač vozio pod uticajem alkohola ili opojne droge. Takođe, osiguravač isplaćuje isti procenat ako osiguranik prilikom saobraćajne nezgode nije koristio zaštitnu kacigu ili nije bio vezan sigurnosnim pojasmom.
- !** Za rizik „dnevna naknada“ se isplaćuje naknada za najviše 200 dana privremene nesposobnosti za rad po jednoj nezgodi i priznaje se se na osnovu ljekarskih nalaza.
- !** Osiguravač nadoknađuje samo one troškove liječenja koji nastanu u prvoj godini nakon nezgode. Osiguravač nema obavezu da nadoknadi troškove liječenja koji nastanu u privatnim zdravstvenim ustanovama.
- !** Ukoliko je zaključeno osiguranje za slučaj bolničkih dana, osiguravač isplaćuje korisniku osiguranja ugovoreni iznos bolničkih dana, za svaki dan proveden na liječenju u zdravstvenim ustanovama stacionarnog tipa (bolnički dan), ali najviše 30 dana.
- !** U slučaju realizacije rizika smrt uslijed bolesti u prvih šest mjeseci trajanja osiguranja, osiguravač isplaćuje 30% od ugovorene osigurane sume, osim ukoliko je uzrok smrti trudnoća ili porođaj osiguranika i ako je osiguranje produženo sa novom polisom i već je isteklo šest mjeseci od kada je lice kod osiguravača neprekidno osigurano za slučaj smrti uslijed bolesti.



Koje su moje obaveze?

- Prijaviti osiguravaču, prilikom zaključenja ugovora o osiguranju, sve okolnosti koje su značajne za ocjenu rizika;
- Dostaviti spisak osiguranih lica, ukoliko se osiguranje zaključuje prema spisku;
- Platiti premiju osiguranja u ugovorenim rokovima;
- Obavijestiti osiguravača o svakoj promjeni okolnosti koja može biti od značaja za ocjenu rizika;
- Osiguranik, koji je uslijed nesrećnog slučaja povrijeđen, dužan je:
 1. po mogućnosti odmah potražiti ljekarsku pomoći i u načinu liječenja postupiti po uputstvima ljekara;
 2. osiguravaču prijaviti nezgodu pisanim putem;
 3. u prijavi nezgode osiguravaču dati sva potrebna obavještenja i podatke o pretrpljenoj nezgodi, sa kompletnom medicinskom dokumentacijom.
- U slučaju nastupanja rizika smrti, korisnik osiguranja je dužan na zahtjev osiguravača dostaviti na uvid svu potrebnu dokumentaciju u cilju utvrđivanja osnova za isplatu naknade iz osiguranja.



Kada i kako platiti osiguranje?

- Premija se plaća prilikom zaključenja ugovora.
- Plaćanje premije je moguće ugovoriti u cijelosti ili u ratama - virmanskim putem ili platnom karticom.



Datum početka i završetka pokrića

- Ugovor o osiguranju, ako se drugačije ne ugovori, svoje dejstvo proizvodi po isteku 24-tog časa dana koji je u polisi označen kao dan početka trajanja osiguranja, ukoliko je do tog dana plaćena premija, pa sve do završetka posljednjeg dana, roka za koji je osiguranje ugovorenno.
- Osiguravajuće pokriće za novozaposlena lica počinje:
 - ✓ ukoliko je zaključen ugovor bez naznačenja imena – 24-tog sata onog dana kada su lica pristupila kolektivu;
 - ✓ ukoliko je zaključen ugovor sa naznačenjem imena – 24-tog sata onog dana kada je poslodavac prijavio osiguravaču novog zaposlenog.
- Pokriće osiguranja za pojedinog osiguranika prestaje 24-tog časa onoga dana:
 - ✓ kada osiguranik umre ili se utvrdi 100% invaliditet; postane lice potpuno lišeno radne sposobnosti
 - ✓ kada mu prestane radni odnos;
 - ✓ istekne godina osiguranje u kojoj je osiguranik napunio 75 godina.



Raskid ugovora

Ugovor o osiguranju prestaje da važi:

1. pisanom saglasnošću obje ugovorne strane, sa rokom naznačenim na toj saglasnosti,
2. ako ugovarač osiguranja premiju osiguranja koja je dospjela za naplatu ne plati po dospjelosti, niti to učini bilo koje drugo zainteresovano lice, ugovor o osiguranju prestaje po isteku roka od 30 dana od dana kada je ugovaraču osiguranja uručeno preporučeno pismo osiguravača sa obavještenjem o dospjelosti premije,
3. ako je ugovarač osiguranja s namjerom izvršio netačnu prijavu ili prečutao okolnosti takve prirode da osiguravač inače ne bi zaključio ugovor da je znao za istinito stanje stvari.

Kako se mogu žaliti?

Osiguranik koji smatra da mu je povrijeđen interes prilikom rješavanja odštetnih zahtjeva ili u bilo kom drugom segmentu saradnje, može podnijeti prigovor Društvu:

- na e-mail adresu: prigovori@sava.co.me (za prigovore na odluke o rješavanju odštetnih zahtjeva),
- na e-mail adresu: info@sava.co.me (za sve ostale prigovore na rad Društva),
- poštom na adresu: Ul. Svetlane Kane Radević broj 1, Podgorica,
- faxom na broj telefona: +382 20 234 008,
- u svim podružnicama Sava osiguranja AD na teritoriji Crne Gore. Spisak podružnica možete pronaći na sljedećem linku: <https://www.sava.co.me/me-me/map/>
- popunjavanjem online formulara na našem web sajtu: www.sava.co.me

Prigovori na rad Društva rješavaju se u roku od osam od dana prijema prigovora.

Po prigovoru na rješavanje odštetnih zahteva, Komisija za prigovore osiguravača dužna je da u roku od 30 dana od dana prijema prigovora, doneće odluku i o odluci obavijesti osiguranika.

Korisnik usluge osiguranja ima pravo da podnese prigovor Agenciji za nadzor osiguranja (ulica Moskovska 17A M/C1, Podgorica), ukoliko nije zadovoljan odlukom osiguravača.